

重刊道藏輯要

洞玄靈寶定觀經註

靈者神也在天曰靈寶者珍也在地曰寶天有靈化神用不測則廣覆無邊地有眾寶濟養羣品則厚載萬物言此經如天如地能覆能載有靈有寶功德無窮證得此心故名靈寶定者心定也如地不動觀者慧觀也如天常照定體無念慧照無邊定慧等修故名定觀

天尊告左玄真人曰

左者定也玄者深妙也真者純也一而無雜人者通理達性之人也曰者語辭也

道藏輯要

定觀經註

房集六

夫欲修道

進趣之心名為修道

先能捨事

一切無染名為捨事

外事都絕

六塵為外事須遠離也六塵者色聲香味觸法更不染著名為都絕

無與忤心

境不來忤心即無惱心不起染境則無煩心境兩忘即無煩惱故名無與忤心

然後安坐

攝澄煩惱名之爲安本心不起名之爲坐

內觀心起若覺一念起須除滅務令安靜

慧心內照名曰內觀漏念未除名爲心起前念忽起後覺則隨起心既滅覺照亦忘故稱除滅了心不起名之爲安覺性不動名之爲靜故稱安靜

其次雖非的有貪著浮遊亂想亦盡除滅

眾心不起妄念悉忘亂想不生何有貪著故曰滅除

晝夜勤行須臾不替

晝之言淨夜之言垢垢淨兩忘無有間替故名不替

道藏輯要

定觀經註

二 房集六

惟滅動心

妄想分別名曰動心覺照祛之故名爲滅

不滅照心

慧照常明無有間故名不滅照心

但凝空心

不起一切心名空心

不凝住心

一切無著名之不凝住心

不依一法而心常住

若取一法卽名著相心不取法名爲不依照而常寂故爲常

住

然則凡心躁競其次初學息心甚難或息不得暫停還失
言習性煩惱難可滅除定力未成暫還失也

去留交戰百體流行

心起染境境來牽心心境相染故名交戰妄念不息百非自
生名曰百體流行

久久精思方乃調熟勿以暫收不得遂廢千生之業

定心不起則契真常一念不收千生遂廢

少得靜已

初得清淨正慧未生故曰少得靜已

道藏輯要

定觀經註

三

真經卷六

則於行立坐卧之時

四威儀之時也

涉事之處諠鬧之所

見一切諸相爲涉事之處起一切諸心名爲諠鬧之所也

皆作意安

息亂歸寂名爲作意恬淡得所名之爲安也

有事無事常若無心處靜處喧其志惟一

有無雙遣寂用俱忘萬法不二名之唯一

若束心太急又則成病氣發狂顛是其候也

偏心執靜名曰束心心外見相名爲顛也

心若不動又須放任寬急得所

從定發慧名爲放任定慧齊融名曰得所

自恒調適

定多卽愚慧多卽狂定慧等用名曰調適

制而不著放而不動處喧無惡涉事無惱者此是真定

寂而常照照而常寂空而常用用而常空得本元寂故爲真定

不以涉事無惱故求多事不以處喧無惡強來就諠

習性塵勞常須制御不可縱逸

以無事爲真宅

道藏輯要

定觀經註

四

房集六

見本性空寂故爲真宅

有事爲應跡

慧用無邊故爲應跡

若水鏡之爲鑒則隨物而現形

本心清淨猶如水鏡照用無碍萬象俱現名爲現形

善巧方便唯能入定

諸法性空寂無所起故爲入定

慧發遲速則不由人勿令定中急急求慧急則傷性傷則無慧

急求知見真定乃亡貪著諸相故云無慧

若定不求慧而慧自生此名真慧

心體寂靜妙用無窮故爲真定

慧而不用實智若愚

了無分別名之不用豁光晦跡故曰若愚

益資定慧雙美無極

寂照齊融故云雙美無極

若定中念想多感眾邪妖精百魅隨心應見

爲心取相諸相應生一切邪魔競來撓亂

所見天尊諸仙真人是其祥也

此爲諸相不可取著

唯令定心之上豁然無覆定心之下曠然無基

道藏輯要

定觀經註

五

房集六

前念不生故云無覆後念不起故曰無基

舊業日銷新業不造

宿習並盡名曰舊業日銷更不起心故名新業不造

無所罣礙迴脫塵籠

一切無染故名無所罣礙解脫無繫故云迴脫塵籠

行而久之自然得道

智照不滅名曰行而久之契理合真故云得道

夫得道之人凡有七候一者心得定易覺諸塵漏

心得清靜塵念盡知故曰覺諸塵漏

二者宿族普銷身心輕爽

真氣胎息痼疾盡瘳體道合真身輕不老

三者填補天損還年復命

骨髓堅滿故填補天損駐顏不易名爲還年復命也

四者延數萬歲名曰仙人

長生不死延數萬歲名編仙籙故曰仙人

五者鍊形爲氣名曰真人

得本元氣故曰鍊形爲氣正性無僞故曰真人

六者鍊氣成神名曰神人

真氣通神陰陽不測故曰神人

七者鍊神合道名曰至人

道藏輯要

定觀經註

六

房集六
川三

真神契道故曰至人

其於鑒力隨候益明

鑒力者常照不息也益明者明明不絕也

得至道成慧乃圓備

若了本性得道成真智慧圓明萬法俱備

若乃久學定心身無一候促齡穢質色謝方空自云慧覺又稱
成道者求道之理實所未然

通神合道卽得道真成心惑身亡不離生死西昇經云是故
失生本焉能知道源而說頌曰

智起生於境

火發生於緣

各是真種性

承流失道源

起心欲息知

心起知更煩

了知性本空

知則眾妙門

洞玄靈寶定觀經註

終

道由心學匪假佗求神依形住罔有其外我之靈明亘今亘古惟其絪於六情是以戕我正念貪嗔癡昧種種見惑背真向偽無有殫期寔惟

真師憫念眾生無知故演此妙經作人天規鑑為證道梯航是有定觀之說發揮妙本洞徹玄微滌乎垢氛超乎視聽明

道藏輯要

定觀經註

七

房集六

無相於有形之後致虛極於未兆之先物我俱忘形神俱妙凡我羽流敬之敬之龍集壬申三月初吉冷虛子稽首謹識